




МЕСЯЦА ДЕКАБРЯ В 8-Й ДЕНЬ

Преподобнаго отца нашего Патапія
Аще изволит настоятель,
аллилуія или тропарь, да поёт по уставу.

На Господи, возвах: стихіры, глас 1.

Подобен: Всехвальныйни мученицы:

 Отче Патапіе, / плоти стремления воздержаніем увядив разжжение, / в пустыню вселился еси, / яко Илія древле, / ум очищая непрестанными к Богу молитвами. / И ныне моли даровати душам нашим / мир и велию милость.

Отче Патапіе, / ликом постническим причислился еси, / безстрастием украшаяся, / и вселился еси во обителех преподобных, / идеже Свет незаходямый, / идеже есть древо жизни. / И ныне моли даровати душам нашим / мир и велию милость.

Отче Патапіе, / светильник из Египта возсиял еси, / просвещая подсолнечную чудес светлостью, / душегленных недугов отгоняя мрак, / демонов оуждая тьму. / И ныне моли Христа / даровати душам нашим / мир и велию милость.

Ины стихіры Пресвятей Богородице,
глас и подобен тойже:

Нетленно родила еси Бога, / тлю потребльшаго и нетление источившаго, / Нетленная Непорочная. /

Тёмже молю Тя: / лютыми истлёвшаго мя / моли́твами Твоими, Чистая, обнові, да сла́влю Тя, / да любвию величаю Тя, / род наш возвеличившую.

Всепета́я Владычице, / надежде верных и утверждение, / прибежище и по́мощь, Тя мо́лим: / от всяких бед рабы твоя́ сохрани, / ве́рою поклоняющихся Рождеству Твоему. / Христу́ моли́ся дарова́ти душам нашим мир и ве́лию ми́лость.

Увы́ мне, что бу́ду, / ум, и ду́шу, и те́ло оскверни́в прегрешеньми? / что сотворю́? како́ же избе́гну пла́мене неугасимаго / и нерешимых уз ве́чных? / но, о Всенепоро́чная, / пре́жде конца́ умоли́ Сы́на Твоего́ / подати́ ми оставле́ние.

Сла́ва, и ны́не, Богородичен. Подобен тойже:

Огнь Божества, / Христа́ во утробе носила еси́, / Е́гоже ны́не моли́, Всечы́стая, / удобопали́мую вещь страсте́й мо́их угаси́ти всю, / и изба́вити мя огня́ ве́чнующаго, / и све́тлости пра́ведных сподо́бити мя, / егда́ приидет суди́ти вся́ческая.

Крестобогородичен:

Своего́ А́гнца / А́гница и непоро́чная Владычица / на Кресте́ я́ко ви́де, / зра́ка не иму́ща, ниже́ добро́ты, / увы́ Мне! — рыда́ющи, глаго́лаше: / где добро́та Твоя́ за́йде, Сладча́йший? / где благоле́пие? / где благода́ть блиста́ющая о́браза Твоего́, / Сы́не Мой вселюбе́знейший?

На стиховне Окто́иха.

Тропа́рь, глас 8:

В тебе́, о́тче, изве́стно спасе́ся е́же по о́бразу: / при́йм бо крест, послéдовал еси́ Христу́ / и, дея, учил еси́ презира́ти у́бо плоть, прехо́дит бо, / прилежа́ти же о ду́ши, ве́щи безсме́ртней. / Тёмже и со А́нгелы сра́дуется, преподо́бне Пата́пие, дух твой.

Сла́ва, и ны́не, Богородичен.

НА УТРЕНИ

О́ба канона́ Окто́иха и преподо́бнаго на 4, глас 2.

Песнь 1

Ирмо́с: Во глубинé постла́ иногда́ / фараонитское всево́инство преору́женная си́ла, / вопло́щ-

шееса же Слово всезлбный грех потребило есть:/ препрославленный Господь славно бо прославися.

Свѣтлаго твоего житія свѣтлая хотящу исправления похвалити,/ молюся тебѣ, преподобне,/ лучу богатодатну с Небесѣ ми даровати Господу помолися,/ облак отгонящу неведения моего, Патѣпие.

Египтяны первее глубиною покрывый Божественным мановением,/ яко из глубины мирскаго смешения тя восприим,/ просвети Божественными осиянии/ и всесвѣтлу тя показѣ звезду, отче преподобне.

Разжѣгся, яко уголь мысленный, теплотою Духа,/ мраз дѣмонский ты растопил еси;/ разжѣнныя же стрѣлы греховныя угасил еси, преподобне,/ и к безстрастия высотѣ возвелся еси чистейши.

Богородичен: Древняя избавление клятвы миру подавая, Избавитель/ из Тебѣ, Дѣво, раждается, Человек быв,/ иже преподобнаго Патѣпия показѣ источник исцелений/ всем, верою к нему приришущим.

Песнь 3

Ирмос: Процвела есть пустыня, яко крин, Господи,/ языческа я неплодящая, Церковь/ пришествием Твоим,/ в нейже утвердися мое сердце.

Слез теченьми напоив изрядно душевную твою бразду,/ пшеницу Божественную принесл еси деяний,/ в житницах вышних соблюдаему.

Любовию вооружаемъ, якоже мечем, преподобне,/ и щитом покрываемъ,/ Божественным твоим смиреніем демонов полки потреби еси.

Воздержания цветом, якоже крин, процвел еси,/ благовонствуя, преподобне, сердца воспевающих тя/ и совершающих верою память твою.

Богородичен: На объятиих носимъ рождшия Тя, Господи,/ египетския идолы силою Твоею сокрушил еси,/ из негоже множество преподобных прозябе.

Седален, глас 8.

Подобен: Премудрости:

Воздержания поты постническими угасил еси пламень страстей,/ всем источив чудес пучину,/ и

в ней, якоже вторый Моисей, / потопил еси
лестная стремления демонов полки. / Темже, со-
шедшеся, по долгу почитаем всечестную память
твою молебную, / преподобне Богоносе Патáпии: /
моли Христа Бога грехов оставление подати /
чтущим любовь святую память твою.

Слава, и ныне, Богородичен:

Милостиваго Слова и милосердаго яко
рождшая, Владычице всех, / помилуй вся, к Тебе
прибегающия, / и напастей, и болезней, и всякаго
озлобления, / и вечнующаго пламене свободи, / яко
да благодарственно многих щедрот Твоих богат-
ство прославим и безмерную милость / и вопиём Ти
всегда: / моли Христа Бога грехов оставление
подати / поклоняющимся верою Рождеству
Твоему.

Крестобогородичен:

Дева и Мати Избавителя, Кресту предстоящи, /
болезненно со слезами рыдаючи, матерски вопи-
яще: / что странное сие и преславное, Сыне? /
Источаяй всем человеком безстрастие / посреде
осужденною на Кресте распятыся, / в ребра пробо-
даемь и желчию напойемь от рук, яже созда; / но
востани и даруй прегрешений оставление / верою
поющим Божественная Твоя страдания.

Песнь 4

Ирмос: *Пришел еси от Девы не ходатай, ни
Ангел, / но Сам, Господи, воплощся, / и спасл еси
всего мя, человека. / Тем зову Ти: слава силе Твоей,
Господи.*

Бездна теплых твоих слез / потопи демонская
войнства и греховныя волны; / пучина же чудес
сущим во глубине страстей показася.

Смирение, бдение, и спротяженную молитву, / и
любовь нелицемерну, и веру, / и надежду стяжав, /
был еси собеседник Небесным Ангелом, отче
преподобне.

Успил еси страстей многообразных волнения /
Божественными восхождением и непрестанными
очищением. / Темже к невечернему сиянию по
успению отшел еси.

Богорóдичен: Возсиял еси из Дéвы, яко из облака солнце, / звезды озаряющия показав преподобныя Твоя, / миру и страстем распеншихся, Щедре, силою Твоею.

Песнь 5

Ирмос: Просвещеніе во тьме лежащих, / спасеніе отчаянных, Христé Спасе мой, / к Тебé утренюю, Царю міра, / просвети мя сияніем Твоим, / иного бо, разве Тебé, бóга не знаю.

Просвещеніе во тьме лежащих, / возсияй ми зарю Божественными преподабнаго Твоего молитвами, / разори облаки окайныя души моея, / одожди ми струю оставленія: / иного бо, разве Тебé, бóга не вем.

Скверны страстей очистив око мысленное, отче Богонóсе, воздержаніем, / Божественною же молитвою ты отверзл еси зеницы ослепленія / и разорил еси сияніем исцелений лютых омраченіе.

Здравіе душевное, здравіе телесное, / вси независтную благодать, приидите, почерпем, / яко от источника, Божественныя раки мудраго Патапія: / чудеса бо источает, яко воды, / верою несомненною к нему притекающим.

Богорóдичен: Дателя жизни, всяческих содержащаго, / родила еси неизреченным Рождеством, / во святых славиമാго, Отроковице, / и на преподабных почивающаго, / Егóже о нас моли, Богоневесто.

Песнь 6

Ирмос: В бездне греховней валяяся, / неизследную милосердія Твоего призываю бездну: / от тли, Бóже, мя возведи.

Светлейшими ум просвещаяй, отче, восхожденіи, / якоже безплóтен, с плóтию пожил еси, / не умокрився грехми, Патапіе.

Илию Фесвитянина подражая и последуя Иоáну Предтечи, / в пустыню первее вселился еси, / безмóлвием ум очистив.

Из Египта светильник Богозарнейший, / в Константинове граде сияніем исцелений просвещаемь, / облистал еси, светлейший отче Патапіе.

Богородичен: На облаце лёгце седяй, / дрэвле во Египет Христос прииде / и, низложив идолы, и преподобных лики собра.

Кондак, глас 3.

Подобен: Дева днесь:

Храм твой, святе, духовное врачевство людие обрётше, / со тщанием к нему приходяще, / цельбу недугов просят прияи, / решение же в житий прегрешенных: / ты бо всех сущих в нуждах предстатель явился еси, / Патапие преподобне.

Песнь 7

Ирмос: Образу златому, на поле Дейре служиму, / трие Твой отроцы небрегоша безбожнаго веления, / посреде же огня ввержени, орошаеми, пояху: / благословен еси, Боже отец наших.

Огнем мысленным разжегл еси душевная чувства, / огонь греховный испепелил еси содейством Духа / и световиден явился еси, воспевая, Патапие: / благословен еси, Боже отец наших.

Слепая воочивый содейством Божественным, Богоблаженне, / страсти различные исцелил еси / и Божественными призываниями полки лукавыя демонов отгнал еси, воспевая: / благословен еси, Боже отец наших.

Чудес глубина, врачеваний река, / источник непрестанен, струя, никакоже оскудеема, / твой гроб показася, отче, верно приступающим и тепле зывающим: / благословен еси, Боже отец наших.

Богородичен: Обождает мя из Тебе, Дево, Пребожественный Бог, рабий зрак прием, / обновляет же стези знания, якоже пределы естества, / множество монахов и преподобных привед, поющих: / благословен еси, Боже отец наших.

Песнь 8

Ирмос: В печь огненную ко отроком еврейским снизшедшаго / и пламень в росу преложшаго Бога / пойте, дела, яко Господа / и перевозносите во вся веки.

Очистив ты самого от тины страстей попечением, / светлейшее явился еси, отче, приятелище

Божие, взывая: / пойте Господа и превозносите во вся веки.

Устроив твою жизнь Боголепно, преподобне отче, / строитель показался еси, / служив добре потребам святых, преподобне, / с нимиже сподобился еси Вышняго наследия.

Ко Господу молитвами очисти ны от всякия скверны, / теплою твоєю молитвою от треволнения страстей, и болезней, и скорбей избави / тя достойно, Патапие, чтущия.

Богородичен: Яже онебесившая наше земное и тленное, Чистая, существо, / Ангелов слава и преподобных радость, едина тварей Владычица, / яко Бога рождающая, да поется во веки.

Песнь 9

Ирмос: Безначальна Родителя Сын, Бог и Господь, / воплощся от Девы, нам явися, / омраченная просветити, собрати расточенная. / Тем Всепетую Богородицу величаем.

День спасительный память твоя возсия, / сущая во тьме сердца просвещающий и страстей мглу решающий, / сыны света показуй, отче, / ныне чтущия тя, Господня угодника.

Фивеанов прозябение, пустыни хваление, / монашествующих славу и благолепие, / византийскаго светильника, на земли Ангела явльшася, / Патапия вси достойно ублажим.

Ангелов собеседник, преподобных равностоятель, / пророков и апостолов, мучеников, иерархов, преподобне, сопричастник быв, / и Честней Троице служя ума чистотою, / о всех нас молися.

Богородичен: Великое таинство, еже паче ума, рождества Твоего, / ужасает Ангелы, Богорадованная, / услаждает преподобных соборы, Чистая, / священныя веселит отцы, / Божественно поющая Тя, Богородице Неискусобрачная.

Преподобный Патапий родился в городе Фивы, древней столице Египта, в VII веке. Родители-христиане наставили его в Православной вере. С юных лет святой

Патапий оставил суету мира, принял иночество и удалился в Египетскую пустыню, где в посте и молитве проводил свою жизнь. Слава об отшельнике распространилась, и к нему

стали приходить за советом и наставлениями. Это тяготило подвижника; он оставил Египет, пришел в Константинополь и поселился близ Влахернской церкви, устроив себе келлию в городской стене. Однажды в келлию старца пришел слепой юноша с просьбой помолиться о его прозрении. Преподобный Патапий, видя веру юноши, сказал: «Во Имя Иисуса Христа, дающего слепым свет, а мертвым жизнь,— прозри!» И раскрылись глаза слепого юноши, и он увидел свет. Постепенно молва о чуде разнеслась, многие стали прибегать к молитвенной помощи святого. Преподобный Патапий, видя в этом знамении волю Божию, не стал отказывать в помощи страждущим. Известны многочисленные исцеления людей, считавшихся неизлечимо больными, а также многие случаи изгнания бесов из одержимых, по молитвам святого.

Преподобный Патапий дожил до глубокой старости. Угодив своей праведной жизнью Богу и послужив людям, он мирно отошел ко Господу.



В
ТОЙЖЕ
ДЕНЬ

**Преподобнаго Кирилла,
игумена и начальника Челмогорскаго
и Каргопольскаго чудотворца.**

НА МАЛОЙ ВЕЧЕРНИ

На Господи, воззвах: стихиры на 4, глас 1.

Подобен: Небесным чином:

Наста, Богоносе, солнца светлейший твой
праздник / озаряет приходящая к тебе верою, /
и бессмертием облагоухает, / и душам источает
исцеление, / Кирилле преподобне, / молитвенниче
о душах наших.

Чувственные страсти телесныя победив воздер-
жания бродягами, / чудодейственниче Кирилле, / и
ревности Безплотных на земли показав, / вся
плотская желания духови повинул еси, / тем ныне
в Небесных селениях водворяясь, / моли о душах
наших.

Блаженне Кирилле, / основание положив добродетели, / древняго человека совлечеса с похотью / и во Христа облечеса воистинну, / тем и обличил еси, преподобне, / многая вражия ополчения, / житель пустынный был еси, / моли спастися душам нашим.

Слава, глас 8: Преподобне и Богоносе отче наш Кирилле: *(зри славник на литии).*

И ныне, Богородичен:

Владычице, прими молитвы раб Твоих / и избави нас / от всякия нужды и печали.

На стиховне стихиры, глас 2.

Подобен: Дому Евфрафов:

Дом Отцу Безначальному был еси, / преподобне Кирилле, отче наш, / Того моли подати мир Церкви Его / и душам нашим велию милость.

Стих: Честна пред Господем / смерть преподобных Его.

Дом и обитель Безначальнаго Отца / Единородному Сыну был еси, / преподобне Кирилле, отче наш, / Того моли помилovati люди / и подати душам нашим велию милость.

Стих: Блажен муж, бойся Господа, / в заповедех Его восхощет зело.

Дом и жилище Духу Пресвятому / был еси, преподобне отче наш Кирилле, / Того моли мир всему Православию подати / и душам нашим велию милость.

Слава, глас и подобен тойже:

Дом и пребывание Пресвятей и Безначальной Троице был еси, / Кирилле преподобне, отче наш, / юже моли мир обители твоей подати / и душам нашим велию милость.

И ныне:

Дом и Церковь воздвигена / во обители твоей, преподобне, / в похвалу и славу Пречистой Богородице Марии, / Юже моли, блаженне Кирилле, отче наш, / даровати душам нашим велию милость.

Тропарь, глас 4: Днесь возсия: *(зри страницу 304).*
Слава, и ныне, Богородичен.

НА ВЕЛИЦЕЙ ВЕЧЕРНИ

На Господи, воззвах: стихіры, глас 4.

Подобен: Яко дбля:

Преподобне и Богоносе отче наш Кирилле, / любве ради Христовы вся оставил еси / и, в пустыню вселився, / никакоже устрашился еси невидимых врагов борения, / аще бо и многажды пришедше на тя мечтания своими, / привидения страшная показующе, / ты же молитвами твоими, яко прах, без вести тех отгнал еси. / О, непорочныя твоя душа и крепкаго терпения! / Христа непрестанно моли / спастися душам нашим.

Преподобне и Богоносе отче наш Кирилле, / житие свое прошед нескверно, / терпение же, и кротость, / и любовь имел еси нелицемерну, / воздержание безмерное, / всеночное стояние, умиление Божественно, / веру и надежду истинну / с милованием, отче, стяжав, / яко Ангел, пожил еси на земли с телом, Кирилле блаженне, / молитвеннице о душах наших.

Преподобне и Богоблаженне отче Кирилле, / умервил еси плоти своей мудрование, / Божественными разумении телесных превыше страстей был еси / и смешен дольными, нося начертания, / изображая в себе Божественную доброту, / и показался еси весь световиден действием Святаго Духа, / Кирилле преподобне, отче наш, / моли спастися душам нашим.

Преподобне и Богоблаженне отче Кирилле, / благодатию Святаго Духа ум свой озарив, / от Него же пресветлыми зарями сердце твое просветив / и световиден весь воистинну был еси, / искусителя же всячески победил еси, / темже ныне на Небесех ликуеши со Ангелы и со всеми святыми, / поминай нас всегда, блажащих тя на земли, / и празднующих пречестное успение твое, и почитающих.

Слава, глас 5:

Радуйся, воистинну постнических подвиг совершение; / радуйся, благовонный сосуде, / ты бо крест Христов на рамо взем / и Владыце Христу себе, преблаженне, возложил еси, / плоть попрал еси, / долу влекущее мудрование повинул еси, /

добродѣтелями же своими дѹшу просветил еси / и к Божественному достиг желанію, / темже, всесвятую пѹмь твою празднующе, прехвальне Кирилле, / Божественнаго человеколѹбія просим получитьи твоими к Бѹгу молитвами / и мѹрови даровати велию милость.

И ныне, Богородичен: В Чермнѣм мѹри: Вход. Чтенія преподѹбническая (зри страницы 151—153).

На литіи стихиры, глас 8:

В пустыню достиг еси, Преблагим Бѹгом наставляем, / преподѹбне ѹтче Кирилле, / в нейже, яко древо благоплодно, насажден еси, / всегда поучаяся в законѣ Господни, / плоды воздержанія стяжал еси, / Всесвятѣй Троице предстоѹ, / Юже, преподѹбне, моли верою притекающим к мощѣм твоим / благодать исцеленія даровати, / спасти и просветити дѹши наша.

В пустыню вселился, Преблагим Христом Бѹгом направляем, / преподѹбне ѹтче Кирилле, / в нейже, яко древо при водах, насадився / и в законѣ Господни поучився день и ночь, / духовныя плоды принес еси Христу Бѹгу, / Егѹже моли верою притекающим к мощѣм твоим / благодать исцеленія даровати, / спасти и просветити дѹши наша.

В пустыню водворился еси благодатию Христа Бѹга, / преблаженне ѹтче Кирилле, / в нейже, яко лоза благоплодная при водах, насажден еси, / добродѣтелей плоды Христу Бѹгу принося, / к жизни вѣчной наставляя / верою празднующих честную пѹмь твою, / Христа Бѹга моли от тли и бед избавитися, / спасти и просветити дѹши наша.

Слава, глас тойже:

Преподѹбне и Богонѹсе ѹтче наш Кирилле, / ты усердно в пустыни подвизался еси в нѹждней и непроходимей, / любви ради Господа своего / и воздаянія ради еже со всеми святыми будущих Егѹ благ, / и житіем своим постническим, / яко Ангел на земли, человеки удивил еси, / бѣсы же, пѹче и самагѹ диавола, устрашил еси, / и востающія на тя злотворныя и немилостивыя

разбойники / по́мощию Бóжиею посрамил еси́, / и ны́не, преподо́бне, уго́днице Христов, / преблаже́нне о́тче наш Кири́лле, / моли́ о нас ми́лостиваго Бóга, / подáти мир мiрови / и душáм нáшим вéлию ми́лость.

И ныне, Богородичен: Безневéстная Дéво:

На стихóвне стихiры, глас 4:

Преподо́бне о́тче Кири́лле, / яви́ся нам Небесный человек / и земный А́нгел проповéдешися днесь, / егóже жити́ю удиви́шася А́нгели, / и вострепетáша дýси лука́вии, / той нáми прáзднуется днесь, / и, тогó торжество́ ликую́ще, вопи́ем: / моли́, преподо́бне, Христа́ Бóга, / да твоими моли́твами от враг свободи́мся.

Стих: Честна́ пред Господем / смерть преподо́бных Егó.

Сошéдшеся днесь, вéрнии, / восхва́лим преподо́бнаго отцá нáшего Кири́лла, / духо́вно веселя́щеся и пáмять егó свéтло прáзднующе, / я́ко вражия полки́ прогна́вшаго / и злотво́рцы посрамившаго, / вéрныя же бáнею Свята́го Дýха обновльшаго, / и ны́не сияеши чудесы́, Кири́лле преподо́бне, / я́ко да твоими моли́твами / дáрует нам Христóс вéлию и богáтую ми́лость.

Стих: Блаже́н муж, бойся Гóспода, / в за́поведех Егó восхо́щет зело́.

Преподо́бне о́тче Кири́лле, / а́нгельски на землí пожи́л еси́ / и по́стническим ликóм сочетáлся еси́, / крест бо на рáмо своé взял, / последóвал еси́ Христу́ Бóгу, / на горé святéй всели́вся. / При вода́х дово́льных нýждною пи́щею плотскiя страсти́ душетлénныя / воздержáнием, преподо́бне, увяди́л еси́ / и был еси́ духо́вно приятелище / и сосóуд чист Гóсподеви, / тэмже вопи́ем ти: / моли́ Христа́ Бóга спастис́я душáм нáшим.

Слáва, глас 6:

Приидíте, мона́хов мнóжество, / приидíте, пустыннолю́бное воспитáние, / приидíте, лик составим, / днесь бо торжествóуем пáмять преблаже́ннаго отцá нáшего Кири́лла, / приидíте, стеце́мся, мирсти́и наро́ди, к рáце егó, / любéзно целу́им,

молящися, / и нам обильно источает, верным,
исцеления различна, / и к нему возопием: / отче
преподобне Кирилле, / моли, молим тя, / испроси
нам у Христа мира и велия милости.

**И ныне, Богородичен: Творец и Избавитель мой,
Пречистая: Таже, Ныне отпускаеши:**

Тропарь, глас 4:

Днесь возсия нам пресветлая память твоя,
славне, / яко солнце светозарное, / лучами
благодати озаряючи весь мир / и тьму ночи злых
духов и от нас отгоняючи. / Днесь Небесныя силы
святых Ангел, и мирский народ, / и души правед-
ных мысленно торжествуют, радуящися, / днесь и
мы, грешнии, припадающе, молимся: / отче препо-
добне Кирилле, / Христа Бога моли непрестанно /
спасти град и люди, / иже любезно тебе почита-
ющая.

НА УТРЕНИ

**На Бог Господь: тропарь, глас 4, дважды. Слава,
и ныне, Богородичен.**

По 1-м стихословии седален, глас 8:

Явился, подобне, чуден в постнических тер-
пениих, / всячески Христу угодил еси, преблажен-
не Кирилле, / мудрою мыслию утвердил еси душу
свою, / покорил плотское мудрование духови / и
возлюбил добрая труждатися Господеви своему, /
темже, преблаженне отче Кирилле, / моли Христа
Бога спастися душам нашим.

Слава, и ныне, Богородичен:

**Богородице Царице, православным похвало, /
еретическая шатания разори и лица их посрами, /
не кланяющихся образу Твоему потреби, / мы же,
раби, Богомати, Сына Твоего, Христа Бога наше-
го, / покланяемся образу Твоему / и молим Тя в
День Судный избавити нас мучения / и сподобити
нас Царствия Небеснаго, Мати Христа Бога
нашего.**

По 2-м стихословии седален, глас 5:

Духовно торжествуем в память чуднаго Кирил-
ла, / он бо Ангелы удивил и человеки праздновати

научи, / Христа славити, прославляющего святых Своих, / прослави бо тя Господь, преподобне Кирилле славне, / и славы Своея Небесныя зрети сподоби, / не забуди нас, мудре, творящих святую память твою.

Слава, и ныне, Богородичен:

Богородице возопиём, вернии, любовьию: / радуйся, Божие селение; / радуйся, падшим возстание. / Радуйся, мертвым Тебе ради воскресение; / радуйся, верным спасение. / Радуйся, ненадежным надежда известная; / радуйся, преподобным слава и веселие. / Радуйся, Ангелом торжество с лики святых; / радуйся, Благодатная, Господь с Тобою и Тебе ради с нами.

По полиелее седален, глас 6:

От юности, преподобне, сосуд избран явился, / и жилище Святаго Духа бысть, и крепостию ума непоколебим пребысть, / и над страстьми воцарися, великодушне, блаженне Кирилле, / и презремирская пристрастия, и процвел еси, яко крин сельный, / и одеявся добродетельми своими, яко ризою света, / и явился крепкостоятелен противу невидимых врагов, / алканием и жаждою тело свое иссушив, / последова Христу Богу нашему, / Егоже крест на раме понесл еси, / безпрестанно распинаяся Ему, / Егоже моли мир вселенней даровати и душам нашим велию милость.

Слава, и ныне, Богородичен:

Пречистая Дево Благословенная и от родов избранная, земным спасение, / душу мою, во гресех всяческих люте обуреваему, / настави, Владычице, на стезю покаяния, / да воспую Ти, радуясь: / благословенна Ты в женах, Всенепорочная Дево Чистая.

Степенна, 1-й антифон 4-го гласа. Прокимен: Честна пред Господем / смерть преподобных Его.
Стих: Что воздам Господеву о всех, яже воздаде ми? **Евангелие от Луки, зачало 24.**

По 50-м псалме стихира, глас 6:

Преподобне и преблаженне отче наш Кирилле, / презиратель дольних и пресельник с Вышними

показа́ся, / воору́жился еси́ над страстьми́, я́ко
вои́н Христо́в, / те́ло свое вдал еси на терпе́ние и
всено́щное стоя́ние, / и прогна́л еси ду́хи те́мныя
от себе́, / и ны́не то́чиши исцелéния да́ры, препо-
до́бне Кири́лле, / всем нам повелéвый пра́зд-
новати / иже к Бо́гу твое отше́ствие, / и моли́
спасти́ся нам.

**Канон преподобному Кириллу, глас 4, егоже
краегранэсие:** Блаженнаго Кири́лла дерзаю
воспéти.

Песнь 1

Ирмос: Моря́ чермнью́ пучину́ / невла́жными
стопáми / дрéвний пешешéствовав Изра́иль, / кре-
стообра́зныма Моисéовыма рука́ма / Амалíкову
си́лу в пусты́ни победи́л естъ.

Лю́тыми страстьми́ жити́я побежда́ем есмь ока-
янный аз / и сегó ради́ молю́ Тя, Христé Бо́же, от
сих избáвиться, / я́ко да достóйно возмо́гу восхва-
лѣти Твоегó уго́дника, Кири́лла преподобнаго.

Лю́тых мя смущéний свободи́, óтче, / да, настав-
ляем твоими́ моли́твами, / свéтло воспою́ твоё
торжествó, Кири́лле преподобне.

Разумéх, преподобне, аз своё недостóинство / и
со страхом косну́хся к твоему́ хвалéнию, / но ты,
блаженне, приими́ с véрою тебé приносíмое хвалé-
ние, óтче Кири́лле.

Богородичен: Пречíстая Богородице, / Ты ми
буди́ крéпкая Помóщнице, рабу́ Твоему́, / и избáви
ду́шу мою́ от сéти диáволи, / и спаси́ мя, лю́те
потопля́ема волна́ми грехóвными, / моли́твами Тво-
егó уго́дника, Кири́лла.

Катавасия: Христо́с ражда́ется:

Песнь 3

Ирмос: Веселѣтся о Тебе́ Цéрковь Твоя́, Христé,
зову́щи: / Ты моя́ крéпость, Гóсподи, / и прибе́жи-
ще, и утверждéние.

От неразу́мѣя страстéй моѣх возведи́ мя, свѣте, и
даруй ми свет умный, / да возмо́гу, недостóйный, от
гру́баго ума́ моего́ / худóе сѣе́ плетéние принести́ к
похвалéнию чудéс преслáвнаго твоегó торжествá.

Вѣру в души неоскудну имел еси, преподобне, / и данный ти талант трудолюбно возделал еси, / да всем нам подаси дар, различно болящим, / душевных страстей и телесных болезней исцеление, / творящим святую память твою.

Процвел еси, яко кедр, в пустыне непроходимей, отче преподобне Кирилле, / приносяя плоды дѹха, во мнозе терпении тело свое удручая, / от бесов и злых человек приемля озлобление, / и сих ради прият вѣчное наследие.

Богородичен: **Аз,** Дѣво Святая Богородице, надежду имея на Тя, спасуся, / потреби, Владычице, враги души моей / и настави мя на путь жизни, да, спасся, вопию Ти: / радуйся, Помощнице миру и надеждо верным; / радуйся, Дѣво, христианом похвало.

Седален, глас 8:

Вселися, преподобне, в пустыню / и поживе в ней во алчбе мнозе и в прочих злостраданиях, / не дая покоя телу своему и землю делая своим руками, / за еже получитьи будущий покой, / но получил еси оную радость любящим Бога, / ты же поминай чад своих и не забуди, яко обещася, да вси вопием ти: / отче Кирилле преподобне, моли Христа Бога грехов оставление даровати / чтущим любовь святую память твою.

Слава, и ныне, Богородичен:

Прибѣжице сущим в напастех лютых, / пременение к Богу, согрешающим спасение, / Пречистая Владычице, спаси нас от всякаго обстояния, и озлобления человеческого, / и страшнаго мучения, и страстей безчестия, / несумненною верою Тя присно призывающих, / Дѣво Всепетая, моли Христа Бога грехов оставление даровати / благочестно славящим Тя.

Песнь 4

Ирмос: **Вознесена** Тя видевши Церковь на Кресте, / Солнце Праведное, / ста в чине своем, / достойно взывающи: / слава силе Твоей, Господи.

Божественною Пресвятаго Дѹха блистаяся благодатию, светоносне отче Кирилле, / честное

творящих твоё успение / светлою твоёю молитвою
страстей наших мглу очисти.

Якоже солнце на земли, / добродетелей просвещением
просиял еси в пустыни, / всех души, преподобне,
духовною благодатию просвещая.

Победив плотскаго навета мудрования, / Духа
Святаго благодать приял еси отгоняти недуги и
болящия грехами целити души, / отче Кирилле
досточудне.

Богородичен: Неискусобратно родила еси, Дево,
/ и по Рождестве явльшиися девствующи паки, /
темже гласы немолчными, еже радуйся, Владычице,
верою несумненною Тебе вопием.

Песнь 5

Ирмос: Ты, Господи, мой Свет, / в мир пришёл
еси, / Свет Святыи, обращаи из мрачна
неведения / верою воспевающия Тя.

Божественною любовью, отче Кирилле, распаляем,
/ не убоялся еси долготы путныя, в непроходимую
пустыню дойдё, / ниже тамо нечестивых человек
супротивления и о изгнании от места того,
/ но с любовью вся претерпел еси.

О, чудо! како от единого тобою призывания /
иногда злотворцы разбойницы, пришедше на тя,
восхотеша смерти предати тя, / видевши чудо
преславно от образа Богоматере, посрамилшася.

Свету велику яко невестник ныне предстоиши,
отче Кирилле, блаженне, / поминаи изрядное своё
достояние, / еже многими труды, отче, стяжал еси.

Богородичен: Тя оружие непобедимое на враги
предлагаем, / Тя, Дево, утверждение и надежду
нашему спасению, Богоневесто, стяжахом.

Песнь 6

Ирмос: Пожру Ти со гласом хваления, Господи, /
Церковь вопиет Ти, / от бесовския крове
очищися / ради милости от ребр Твоих / истекшею
Кровию.

Ралом Богомудрых словес твоих, отче преподобне,
/ оляденевшая чудска языка людей сердца
возделовая, / и Божественное семя покаяния в них

всѣяв, / плод зрѣлый своему Владыце, блаженне, принѣсл еси.

Быстринами медоточных словес твоих / чудскаго языка диавольскую прелесть и идольское служение, преподобне Кирилле, угасил еси, / Божественными учениями верно сердца их утвердил еси.

Иже к Богу желанием страстей успил еси востания / и всеночным стоянием дарования восприял еси видети сущая тамо неизреченныя доброты, Кирилле чудне.

Богородичен: О, чудо, иже всех чудес новейши, / како Дева во утробе Иже всяческая Содержащаго / словом неискусомужно приемши и нетесно вместивши.

Кондак, глас 8.

Подобен: Премудрости:

От юности, преподобне, вся оставль житейская, красная же и лепотная, / и в пустыню вселивсь, усердно последовал еси Звавшему тебе, преблаженне, / в трудех же и постех, отче, тело свое изнурил еси, / отнюдуже ты пастыря Своим овцам добре устроет всебогатый Господь, / Кирилле чудодейственниче, моли Христа Бога / о приходящих с верою и просящих своих согрешений оставление даровати, / чтущим любовию святую память твою.

Икос:

Уясни ми язык и укрепй мой ум, Христѣ Бже, молитвами Пречистыя Твоея Матере, / подаждь ми благ язык глаголати на похвалу и молѣние Твоего угодника, и свещу умилѣния, / юже, воздремався, угасих нерадением, / но молитвами преподобнаго Кирилла возжги, / и не отлучй мене, Христѣ, многосогрѣшша, лика преподобных Твоих, / все убо упованіе к Тебѣ возлагаю, / Ты бо и град наш сохраняеши и святую обитель молитвами преподобнаго, / просящим согрешений оставление даровати / чтущим любовию святую память его.

Песнь 7

Ирмос: В пещи авраамстии отроцы персидстей, / любовию благочестия паче, / нежели пламенем,

опалѧеми, взыва́ху:/ **благословѧн еси́ в хра́ме сла́вы Твоея́, Го́споди.**

Пощѧнием оградѧвся от ю́ности, преподо́бне,/ тем тѧло свое украша́я и благопоко́рну ду́шу соде́ловая,/ к сему́ же и стра́сти побежда́я, без стужѧния от сих пребы́л еси́, поя́:/ **благословѧн Бог оте́ц на́ших.**

Нищету́ самовольную Христа́ ра́ди стяжа́в,/ и от всех житѧ́йских безыме́нен был еси́, добродѧтели ми обогати́вся,/ и мно́гих к ре́вности научи́ пѧти:/ **благословѧн Бог оте́ц на́ших.**

Позна́л еси́, о́тче преблаже́нне, кова́рствія лука́ваго де́мона,/ хотя́щаго кѧллию твою́ во э́зеро воврещи́,/ и сегó до конца́ низложи́л еси́, и нас на моли́тву воздвѧгни днесь,/ да ве́рою лику́ем, па́мьять твою́ пою́ще:/ **благословѧн Бог оте́ц на́ших.**

Богородичен: **Ми́лостива мне Судию́ и Сы́на Своего́, Богороди́це Де́во,/ и Изба́вителя лю́тых моѧх согрешѧний / Твоѧми моли́твами бы́ти в День Суда́, Ма́ти, сотвори́,/ к Тебе́ бо Еди́ной упова́ние возлага́ю.**

Песнь 8

Ирмо́с: **Ру́це распростѧр, Даниѧ́л/ львов зия́ния в ро́ве затче́;/ о́гненную же си́лу угаси́ша,/ добродѧтелию препоя́савшеся,/ **благочѧстия рачи́тели, о́троцы, взыва́юще:/ **благослови́те, вся дела́ Господня́, Го́спода.******

Смирѧние стяжа́в попремно́гу и чистоту́ телѧсную, я́коже подоба́ет святы́м,/ и ѧ́стинное же целомудрие вельми́ удержа́л еси́/ и ско́рбных нанесе́ние, ра́дуясь приѧмля, поя́:/ **благослови́те, вся дела́ Господня́, Го́спода.**

Страх Бо́жий стяжа́в в себе́ и сим показав́ чувства своя́,/ е́же не преступи́ти своѧх уста́в, ни повредѧтися от сих умно́му дѧланию,/ Бо́гови уго́див, во смире́нии поя́:/ **благослови́те, вся дела́ Господня́, Го́спода.**

Со зверьми́ дивными́ в пусты́не, преподо́бне, живы́й,/ приходи́ще к тебе́, кро́тцы быва́ху от благода́ти Бо́жия, пребыва́ющія в тебе́,/ но пове́ле́нию твоему́ повинова́хуся, поя́:/ **благослови́те, вся дела́ Господня́, Го́спода.**

Богорóдичен: Ты Еди́на во всех рóдех, Дéво Пречíстая Мáти, явíся Бóгу, / Ты Божествú бысть пребывáние, Всенепорóчная, не опалíся Огнём непристúпнаго Свёта, / тёмже Тя вси благословím, Марíе Богоневéсто.

Песнь 9

Ирмóс: Кáмень неруко́сéчный / от несеко́мыя горы, Тебé, Дéво, / краеуго́льный отсечéся, / Хри́стос, совокупíвый разстоя́щаяся естества́. / Тем, веселя́щаяся, Тя, Богорóдице, велича́ем.

Пребýвшу ти, óтче Кири́лле, мно́га лéта в пусты́не в безмо́лвии, и пощéнии, / и всех ско́рбных в терпéнии и попрёмно́гу Бóгу угоди́вшу, / отню́дуже и Он тя прославля́ет, я́ко Своего́ уго́дника.

Пощéнием насаждён быв, я́ко дрéво при вода́х, блаже́нне Кири́лле, / воздержáния процвёл еси́ добродéтелями́ свои́ми, / и в мéру достíг вóзраста исполнénия Хри́стова, / и духо́внаго совершénия получи́л еси́, я́ко же мо́щно челове́ку.

Ты úбо, преподо́бне óтче, хотя́ утайтися от челове́к и еди́н Еди́ному Бóгу безмо́лвствовати, / но не оста́ви Он тебе́ невéдома бы́ти, / но всем, трéбующим спасénия, я́ве показá тя, жити́е твоё добродéтельное, / на по́льзу хотя́щим стопа́м твои́м последовати.

Богорóдичен: И́же все́ми владе́ющи тва́рьми, / лю́дем Твои́м да́руй побéду и одолéние на непоко́ривыя язы́ки, / да Тя, я́ко Богорóдицу, велича́ем.

Светилён:

Пóстнический явíся свети́льник, блаже́нне óтче Кири́лле, / последу́я стопа́м преподо́бных Антония и Варлаа́ма, / оттúду научíвся и показáся чу́ден свети́льник, / в се́верных страна́х ны́не предсто́иши во Свёте Святы́я Трóицы, ра́дуяся.

Сла́ва, и ны́не, Богорóдичен:

Велича́ем Мáтерь Бóга нашего́, тебе́, преподо́бне, сохра́ншую, / Ю́же вси рóди блажа́т от ны́не и до ве́ка, / Ю́же и мы, грéшнии, воспева́ем, велича́юще: / ра́дуяся, Обра́дованная, Госпо́дь с Тобóю.

На хвалітех стихіры, глас 6.

Подобен: Все отложше:

Все отложив мирское мудрование, / и потечё, радуясь, вослед Владыки Христа Бога нашего, / Ему же неложно работая / во всем животё своём, / и показá труды и подвиги пустынные, / и пользу многим сотворил еси, / да во всем послушлив заповедем Христовым был еси, / Ему же со дерзновением моли́ся о душа́х наших.

Преподобне отче Кирилле, / вся оставил еси мира сего красования, / и вся презрёл еси плотская мудрования, / и был еси Христов ученик избранный, / и моли́ся о нас, / véрою празднующих святоё успение твоё.

Преподобне и всеблаженне отче наш Кирилле, / все возложí упование на щедроты Христа Бога нашего / и ныне приял еси от Него́ противу трудов твоих жизнь вечную на Небесех, / Его́ же со дерзновением моли́ о душа́х наших.

Слава, глас 6:

Днесь духовно торжествуем / память преподобнаго отца́ нашего Кирилла чуднаго, / сей бо Ангелы удивí / и мечтания диаволя устраши́ своими бденными молитвами, / днесь бо любезно празднуем преставление его́, / Христа славяще, / прославляющаго святых Своих, / но не забуди нас, преподобне отче Кирилле, / творящих память твою́, / темже вопиём ти: / моли́ Христа́ Бога спастися душам нашим.

И ныне: Богородице, Ты еси лоза́ истинная:

Славословие великое и отпуст.

НА ЛИТУРГИИ

Блаженны от канона, песни 3-я и 6-я и прочая служба преподобническая.

Молитва

О блаженная и пречестная и благодати Святаго Духа исполненная глава, сосуде избранный Святая Троицы, преподобне отче наш Кирилле, услыши нас, грешных, предстоящих ныне пред тобою и умильно молящих тя: помоли́ся о нас, рабех твоих, ко Всемилостивому Владыце Иисусу

Христу́ Бо́гу нашему́ и Его́ ро́ждшей Ма́тери, Влады́чице нашей Богоро́дице и Присноде́ве Ма́рии, е́же отпусти́ти нам согреше́ния наша́, я́же соде́яхом. Ве́мы бо, о́тче наш, а́ще плоти́ю и в пе́рсти почи́ваеши, но ду́хом zde с на́ми неотсту́пно и неvíдимо пребы́ваеши, назира́я нас и назы́дая по твоemú неложному́ обеща́нию, сохра́няеши от вся́ких обстоя́ний. И я́коже мно́го дерзнове́ние стяжа́вый ко Го́споду по́стническими тво́ими по́двиги, умоли́ Его́ святы́ми тво́ими моли́твами пода́ти ми́ру мир, Це́ркви Его́ Святе́й — единомы́слие, стране́ — на враги́ побéду, служа́щим же ти — друг ко дру́гу любовь и согла́сие и всем лю́дем, притека́ющим к тебе́ с ве́рою, испроси́ у Го́спода к по́льзе душе́вной и телéсной ми́лость, мир, благослове́ние, во е́же изба́виться нам всем в День Су́дный стра́шный, шу́ия ча́сти спасти́ся, ста́ти же одесну́ю со избра́нными Его́ к насле́дию Ца́рствия Небе́снаго, я́ко Тому́ подоба́ет вся́кая сла́ва, честь и поклонéние со Безнача́льным Его́ Отце́м и Пресвяты́м и Благы́м и Животворя́щим Его́ Ду́хом ны́не, и прýсно, и во ве́ки веко́в. Ами́нь.

Преподобный Кирилл Челмогорский, просветитель чуди, родился в г. Белоозере в 1286 году. Двадцати лет поступил в обитель преподобного Антония Римлянина в Новгороде, где, проходя различные послушания, подвизался шесть лет. Затем три года странствовал на севере России, по диким пустыням Каргополья. В 1316 году избрал для постоянного пребывания гору Челму, в окрестностях которой жила чужь (так русские называли финнов) — языческая народность. Первую зиму преподобный провел в тесной пещерке, выкопанной в горе, затем построил маленькую келлию и часовню. Питался травами и овощами, которые сажал сам. Родной брат преподобного Кирилла, Корнилий, посетил пустытника и вскоре оставил его. Много трудностей испытал подвижник. Инока смущал дух злобы, но своей молитвой святой прогнал нечистого в болото, названное впоследствии «Кирилловой трестой». Преодолея он и враждебность местных жителей. Святая жизнь подвижника, его краткие наставления привели многих

язычников к принятию святого Крещения. Более полувека подвизался преподобный на Челме. К концу его жизни вся местная чужь была крещена. Для новообращенных христиан и братии преподобный воздвиг храм и обитель в честь Богоявления. Скончался преподобный Кирилл 8 декабря 1368 года. В середине XVII века в с. Лядины (в 15-ти верстах от Челмогорского монастыря) священник Иоанн, почитатель преподобного Кирилла, удостоился видения святого и написал его образ. Им написаны Служба и, на основании оставшихся скудных монастырских записей, Житие святого. В 1674 году, в канун Рождества Христова, инок Челмогорской обители Макарий, спасая от пожара церковные книги и священную утварь, получил сильные ожоги. На Сретение Господне страждущему явились преподобный Кирилл и преподобный Макарий Желтоводский и сказали: «Свет Христов просвещает всех». Преподобный Кирилл протер ему глаза своей мантией, и инок исцелился.